



■左起：譚俊彥、陳豪、陳展鵬、馬國明首次同台合唱。

4大視帝組男團「演員好聲音」

馬明記唔掂歌詞 自嘲和唱擔當

4位視帝陳豪、馬國明、譚俊彥、陳展鵬難得同台演出，但竟然不是鬥好戲，而是鬥唱功！展鵬與譚俊彥獲讚最唱得，陳豪則信心爆棚自稱是「跳舞擔當」，不過馬明自爆記唔熟歌詞，合唱時大部分時間都放下咪高峰，更自嘲是「和唱擔當」，不敢叫老婆看他的演出！

前晚馬國明、譚俊彥、陳展鵬、陳豪與《中年好聲音》歌手周吉佩、羅啟豪、譚輝智、「聲夢」小花鍾柔美(Yumi)與詹天文(Windy)等擔任「萬眾同心公益金」表演嘉賓。「人氣王」譚輝智獲頭號粉絲狄波拉撐場，狄波拉更捐出50萬元支持偶像，並客串做接線生接聽捐款電話。

4位視帝首次同台合唱，先由展鵬打頭陣唱《後悔萬年》，



■拉姑跟偶像譚輝智合照。

其後4人合唱《紅日》。記者笑指他們可以組新男團出道，譚俊彥笑言是「演員好聲音」。提到馬明合唱時大部分時間放下咪高峰，他坦言：「因為我早兩日先收到通知演出，對首歌唔係太熟，連記歌詞都記到死。」展鵬與譚俊彥被推舉為「唱歌擔當」，馬明即自嘲是「和唱擔當」，陳豪則自稱是「跳舞擔當」，非常搞笑！馬明更稱不敢叫老婆湯洛雯睇電視：「怕影響到我嘅心目中嘅形象，叫佢捐錢就得喇。」

日前有網民發現展鵬與太太單文柔合照中，見單文柔拿着名牌袋被批貪錢，展鵬笑言睇到呢啲新聞都得啖笑。

詹天文擬放棄出國留學

Windy與Yumi早前考畢DSE，二人均透露準備大學面試及籌備新歌。早前獲國際知名音樂學府伯克利音樂學院錄取的Windy坦言仍考慮是否出國留學，並自爆已面試香港演藝學院：「有一部分要表演跳舞，我揀咗自己嘅歌跳舞，考官嘅反應



■詹天文(左)與鍾柔美都不想離港讀書。

好似認得我。(覺得做藝人有優勢？)但我演戲冇經驗，所以唔算好有優勢，當係挑戰自己。」問Yumi有否想過到外地升學？她坦言想留港讀書：「因為我想繼續嚟香港做嘢，唔想好似Chantel(姚焯菲)咁兩邊飛，覺得好拗，而且我怕嚟外地會思鄉。(學Windy報讀演藝學院？)我想讀Business，留條後路畀自己，呢行唔係咁穩定，如果將來唔紅，我都可以向其他方面發展。」

古天樂雨中一打七似泥漿摔角

古天樂、任達華、謝君豪與盧慧敏等昨日出席電影《偵戰》拜神儀式，古仔表示角色似福爾摩斯，利用高科技查案，亦有不少動作場面，最辛苦是要在雨中拍攝：「劇情講幾個鐘頭入面發生嘅事，落好大雨、行雷閃電，我嘅出面都淋咗幾晚雨。雖然依家夏天，但夜晚拍都幾凍，有一場同6、7個黑衣人打，好似泥漿摔角咁。」提到《九龍城寨之圍城》票房超越他監製的另一套電影《明日戰記》，古仔笑言：「自己打贏自己仲想點呀？哈哈！都算係咁啦，部戲咁好成績好開心，最緊要做嘅好嘅港產片。(有信心成為香港華語電影最高票房？)盡力啦！仲有啲謝票宣傳，希望觀眾繼續支持。」

謝君豪則指自己的角色神秘：「夏天要着大襖同戴手套，哈哈！」問到大熱天時穿大襖可擔心中暑？他笑言沒法子，但十分欣賞自己的造型。



■古仔(左)與謝君豪誠心上香，祈求拍攝順利。



■盧慧敏很開心跟多位好戲之人合作。

劉俊謙幫伍允龍招親

電影《九龍城寨之圍城》票房截至昨日突破9,000萬元，昨日林峯、劉俊謙、胡子彤與伍允龍化身城寨福利委員會，到商場與800位影迷見面，影迷甫見4人即狂嗌「老公」。問到若票房破億會如何慶祝？林峯提議再次集合電影團隊答謝觀眾，稍後亦會舉行大型宣傳活動。新一代「國民老公」劉俊謙被問何時結婚？他笑言：「今次我係以城寨福利委員會身份到場，私人唔答。」並拉伍



■左起：胡子彤、林峯、劉俊謙與伍允龍。

允龍落水，笑稱今次活動其實是幫「王九」招親，伍允龍笑言：「我言：『今次我係以城寨福利委員會身份到場，私人唔答。』」並拉伍

吳業坤除眼鏡脫「毒」

吳業坤剛由佛山拍完新劇回港，問到演什麼角色？他說：「故事好新穎，我都有啲動作戲，係我從來未演過嘅角色。」提到坤哥未有戴眼鏡，他解釋配合新歌造型：「我都唔可以再繼續偽毒，慢慢轉形象，令太太更開心，等佢知原來老公都好靚仔。」提到太太的廣告遍布全港，坤哥說：「佢好叻，比我更快上電車車身廣告，如果佢紅過我就好，我可以休息。」對於好友王灝兒(JW)宣布與男友分手，坤哥表示早前與JW到美國登台，當時不覺對方有異樣。



■坤哥自認除眼鏡更靚仔。